

Verum vox ista notat præterea disputationes dialecticas & probabiles, cujusmodi apud Aristotelem occurrunt. Sed mitto Ciceronem, neque dicam nunc ex instituto de dialogis veterum ecclesiæ doctorum, quorum sat multæ in utramque partem disputationes apparent. Inter Græcos notus est *Dialogus* Justinii Martyris cum Tryphone, Judæorum principe, pro christiana religione habitus, nec non *dialogus* Origenis *de recta in Deum fide* cum Megethio, Marco, Droserio, Valente & Marino, hæreticis Marcionitis institutus. Habentur etiam Athanasii dialogi ac disputationes aliquot, itemque Gregorii Nazianzeni *dialogus adversus eos, qui vehementer jurant*, a Jacobo Billio scholiis ornatus, ac Gregorii Nysseni *de anima & resurrectione cum sorore Macrina*, de cujus colloctionis nævis jam differendi locus non est. Johannis Chrysoctomi *de Sacerdotio* dialogus, in sex libros distinctus, obvius pariter & expositus est, de quo ita Sigebertus: *Joannes sub sua, & sui amici Basilii persona, scripsit dialogum de honore & onere sacerdotii, & quanta sit dignitas & potestas vel gravitas sacerdotum.* Taceo Cyrilli, Alexandrini Episcopi plures dialogos *de Divinitate* formatos, & Æneæ Gazæi, ex philosopho platonico ac sophista doctissimi christiani dialogum *de animorum immortalitate, & corporum resurrectione*, quem ex palmaria persona colloquente Theophrastum inscripsit. Inter Latinos dialogorum scriptores eminent Minucius Felix, auctor elegantissimi colloquii, *Octavii* nomine appellati,

*Dialogi veterum Ecclesiæ Doctorum Græcorum.*

*Latinorum*